



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Stephani Balvzii Miscellaneorum Liber ... Hoc est,  
Collectio Veterum monumentorum, quæ hactenus  
latuerant in varijs codicibus ac bibliothecis**

**Baluze, Etienne**

**Parisiis, 1678**

Conradi Romanorum & Siciliae Regis epistolæ quatuor.

**urn:nbn:de:hbz:466:1-14688**

CONRADI ROMANORVM  
ET SICILIÆ REGIS  
EPISTOLÆ QVATVOR.

*I. Proconsuli almæ urbis.*

PLENE scimus, nec extraneas testium proba- Ann. 1257.  
tiones exquirimus, quanta sit erga nostri ho-  
noris augmenta tuæ procurationis intentio, quan-  
tisque refloreat erga nominis nostri fastigia tuæ de-  
votionis affectus, dum, sicut ipsa rerum experien-  
tia docente collegimus, quæ nostri honoris sunt sol-  
licitus expetis, & factus quasi jam nobis de nostræ  
felicitatis promotione domesticus, negotia nostra  
magnificè sed prudenter ubilibet placido cordis af-  
fectu & fructuosa operis attentione procuras. Ex  
hac igitur causa facti nos jam tibi & tuis quasi per  
debitum ad commoda quælibet amplianda benivo-  
li, nuntios providos & solemnes ex parte tua & se-  
natus populique Romani nuper ad nostram præsen-  
tiam destinatos gratanter recepimus: qui dum suæ  
legationis officium sollicitè, diligenter, ac providè  
coram nostræ serenitatis aspectibus implevissent,  
ecce super capitulis omnibus quæ ipsorum relatio  
detecta continuit expediti gratiosè per nos, ad pro-  
pria revertuntur. Cùmque tam nuntij quàm cete-  
ra ex parte tua & Romanorum omnium nobis suc-  
cessu temporis offerentur, immo quæ tamquam ne-  
gotia propria gerimus, gratissima sensibus nostris  
accedant, circumspectionem tuam, de qua toto  
corde confidimus, requirimus & rogamus attentè  
quatenus firmam fabricans in nostræ munificentia

liberalitate fiduciam, sic strenuos actus tuos erga honorem nostrum prudenter accommodes, sic industriæ laudandæ principium laudabiliori semper inantea continuationis ordine prosequaris ut tuæ sollicitudinis opera tanti actoris fulta suffragio erga te & tuos amplissimè dexteram nostræ liberalitatis invitet.

*II. Illustri Regi Navarra.*

**I**NVITAT nos antiqua patris nostri dilectio, erga vos dudum habita, de vestra speciali dilectione confidere & vos ad succedentium serenitati nostræ processum participium evocare. Scimus enim, ut non impropere præterita, sed suaviter referendo loquamur, quòd adhuc in teneris annis, vobis sub matris regimine positus, ejusdem genitoris nostri continua sollicitudo non defuit, quin potiùs arduis imperij tunc & Germaniæ negotijs intermissis, causam vestram viriliter assumpsit in propriam, & contra persecutorum suorum incursum pro restauratione vestrorum jurium multis personæ laboribus ac rerum impendijs laboravit. Propter quod vos tam carnis unione conjunctos quàm specie necessariæ gratitudinis obligatos nova de nobis libenter audire felicia credimus & in causæ nostræ subsidium paratas invenire confidimus vires vestras. *Reliqua desunt.*

*III. Cardinalibus Romanæ Ecclesiæ.*

**C**ONRADVS &c. venerabilibus in Christo patribus sacrosanctæ Romanæ Ecclesiæ Cardinalibus. Conscientiam vestram, si salvo pudore justitiæ diligenter exquiratur, latere non credimus qualiter hæctenus ad honorem Dei & sacrosanctæ Romanæ

Romanæ Ecclesiæ matris nostræ, cuius, velut Christianæ legis & orthodoxæ fidei zelatores, devotum fatemur nos filium, & specialem recognoscimus defensorem, cuius etiam sacra mysteria catholicè credimus & tota cordis ac corporis reverentia veneramur, grandis humilitatis & plenæ subjectionis signa monstravimus, ut istam inter nos & summum Pontificem patrem nostrum dissensionis horrendæ materiam, quam non sine dedecore partium & universali discrimine populorum vulgus, proh dolor, ludibriosè jam loquitur, sedare possemus. Nec adhuc coram vobis, qui positi tanquam luminaria supra montem lucetis in gentibus, & velut cardines fidei regitis domum Dei, referre nos devotæ satisfactionis pudet insignia quæ salvis juribus & dignitatibus nostris nostrorumque fidelium tam in imperio quàm in regnis nostris fuimus eidem Domino patri nostro & sumus humiliter offerre parati, si tamen ipse nos filium caritatis paternæ debita relatione cognoscat. Dubitantes veruntamen ne vel res inter alios acta, contra jus scriptum juri nostro præjudicet, vel de præteritis conjecta suspicio causam exasperet successuum futurorum, timentes nihilominus, ut loquamur ad litteram, ne sedens in solio Christi vicarius venerabilis pater noster, cui legatum pacis hominibus erogandæ commissum est, diebus istis, quibus non solum paschalem agnum communicare Christicolis sed exorare pro persecutoribus etiam teneretur, voluntatis suæ arbitrio plus debito laxatis habenis, dum credat sibi licere quod \* liceat, spiritualementer contra nos gladium temporaliter exerat & procedat in aliquo, si dici liceat, \* libeat minus justè, ecce. . . fideles nostros ad vestram præsentiam duximus destinandos, concessa eis ab excellentia nostra potestate plenaria ut à gravamine & injusto processu patris ejusdem coram tam ve-

H h

nerabili cœtu patrum, primò ad Deum vivum, cuius nutibus attribuimus quicquid sumus, & deinde ad futurum summum Pontificem, ad generalem synodum, ad Principes Alamanniæ, & generaliter ad universos Reges & Principes orbis terræ, ac ceteros Christianos, pro parte nostra liberè valeant appellare.

*IV. Henrico Regi Anglorum.*

Ann. 1254.

**N**OLLEMVS auditus vestros, vulgaris fortè famæ præloquijs stupefactos, illis pulsare rumoribus quorum & nostram exaggeraret relatio lacrymosa memoriam, & cordis nostri præsumitur corruptura quietem. Sed ex eo præcipuè nos his casibus personam elegimus relatoris, quòd dum acerbiter doloris nostri silentio cohibere vix possumus, in vobis mœroris impetum persuasionis nostræ remedio faciliùs credimus mitigandum. Nec mirari vos volumus si de ijs quæ inviti referimus ad notitiam vestram nuntiatio fera perveniat, cum hæctenus ex recenti vulnere mœstitiæ prævaleret immensitas, & ex oculis nostris naturæ suggerentis imperium fluxum emungeret lacrymarum, sicque fluctuabat mentis nostræ turbata tranquillitas ut ad extinguenda doloris incendia necessario solatoris alterius lenitivis liquoribus egeremus. Iam verò dato tempore luctibus, quod eventus tam turbidæ qualitas exigebat, lugubrem obitum Henrici carissimi fratris nostri nepotis vestri vobis infestis rumoribus nuntiamus; de cuius casu tam horrendo licet ex decisione carnis nostra satis amaricata sint peccata, dum pretiosissimam pectoris nostri partem perdidisse dolemus, ex eo tamen turbamur amarioribus quòd dum ad regiminis nostri gubernanda molimina viriles animos habere nos expedit, nunc ad

deplorandum fratris nostri decessum mollitiem  
 quasi subivimus muliebrem: quia dum ejus jam ef-  
 set ætas provecta virtutibus, in cujus humeris cu-  
 ras nostras confidenter appendere poteramus, me-  
 tentis æqualiter omnia mortis austeritas, flore ju-  
 ventutis suæ, præmativa nimis falce præsecuit, &  
 quasi prædonis sagacitate subrepens, sic improvise,  
 sic subito naturæ magistras manus elusit. Verùm  
 cum ad hæc reparanda discrimina artes & opes hu-  
 manæ deficiant, quæ potiùs dispositionis supernæ  
 provisio & facti generalis æqualitas consolatur, do-  
 loris ejusdem, cujus vix de corde nostro cicatricis  
 occidua signa transibunt, vobis affectuosè providi-  
 mus porrigendum. Nec credat unquam dilectio ve-  
 stra quòd affinitatis nostræ per hoc debilitata sint  
 fœdera, quæ in eo nobis convivente memoriter re-  
 manserunt, & in M. carissima sorore nostra super-  
 stite conforte nobilis viri Marchionis Messanensis  
 solidata perspicimus, & in heredes ejus partu gra-  
 tifico perpetuata sentimus. Quocirca non minùs  
 quam fratre nostro vivente de nobis puro corde  
 confidite; & si qua sunt in regnis nostris quæ sere-  
 nitatis vestræ grata sint usibus, vel affectui blan-  
 dianur, nobis exinde vota vestra exauditionem om-  
 nimodam relatuta nobis per litteras vel nuntios  
 aperite.

MANFREDI REGIS SICILIÆ  
 epistola ad quendam Doctorem  
 Decretorum.

MANFREDVS &c. magistro N. Decreto-  
 rum Doctori. Inter alia decòris insignia qui-  
 bus regni nostri possessio præclara tripudiat, desi-  
 deramus ibidem liberalium artium condimenta con-